

眞仙重葺五華宮盤鬱山顏錦繡中落落清泉鳴靜夜瀟瀟瘦
竹弄晴風地偏境絕排幽勝人力天成妙化工借問煉丹何所
在滿山喬木夕陽紅

眞性

擬議形容已失真纔經唇吻落根塵一源始發頭頭是六戶分
光刻刻新圓應樞環皆造妙撥迴關捩自通神幻成僕隸知多
少誰是元初舊主人

客有錦囊貯鳳喙以示人

纔出丹山德已衰况存遺味憶羗邈羽儀五彩空傳爾靈質九
苞安在哉大蔡刳形非自貴仁麟折足亦何來四靈不是尋常
物也向人間趁劫灰

道藏輯要

雲山集

三

昇集六
川一

同前

活機傳得已忘年今見人天道兩全卓立吾宗超萬古圓融事
理具三玄宏開寶藏無鉗鍵密應樞環拂正偏挽轉銀河乾作
屋瑞光揮霍鎮燕然

送曳刺使赴闕

垂髻恩荷帝王家補衮何妨驟及瓜穩穩絳霄騰禰鶚迢迢銀
漢坐鸞桂金甌異日名黃屋玉陛嘉時薦白麻咸仰吹噓回暖
律一天春色徧河沙

祝清和眞人壽

捧日開天下玉京玄門砥柱海山英三千甲子世間出九萬靈
仙方外盟壽蒂永堅松化石年齡輕越芥填城眞容浩劫常如
此坐看黃流幾度清

顏蓋大師九月五日壽

素履麻姑金母儔偶乘風馭降中州蟠桃不吝東方朔火棗親
傳許遠遊香靄雲和清特室玉芝瓊藥宴神洲蓬萊清淺聞談
笑紅葉黃花幾度秋

送賈講師之東平

菱荷香裏送君行可掬歡容出鳳城暖日鬱蒸歸旆急薰風投
拂羽衣輕驚回故國三年夢數盡征途十二程別後東西南北
道藏輯要

雲山集

三

易集六

客幾時重遇話班荆

和楊西庵韻

洞府雲扃未啟關飄零紅雨覺春殘恰回巖谷吹嘘力又作江
天霰雪寒風送敗船投鬼國人隨行螿到槐安從來造物兒童
劇且置忘懷不足嘆

同前

冥搜天理徹離微世事紛紛易見機新浴振衣皆必取躁求操
瑟亦貽譏抵時投隙邪干正忤物櫻鱗是作非但得神襟建皇
極用宜補袞捨宜歸

送彭宗道從師北行